

全立杜賣盡根歸管水田契字人賴麟，全侄賴喜、越，有全堂兄賴仁與黃許配合買林恒茂水田壹大所，土名址在大甲東庄後湖，其界址登載買契明白。其田作式拾伍分均分，麟等得買叁份應得中田壹甲壹分四厘柒毛捌絲，下田伍分式厘陸毛正，土名址在湳仔份，東至七十八份田后岸爲界，西至番仔井田后岸爲界，南至坪腳爲界，北至陳家田爲界。又帶七十八份尾田柒坵，東至德松今賣許家田爲界，西至湳仔份，南至德松前岸今賣許家爲界，北至陳家田爲界。又帶山坪壹份栽種樹木，東至德仁石界，西至許家石界，南至坪頂，北至坪腳爲界，以上界址面踏明白，原帶陂泉水通流灌溉充足。歷年配納大租谷陸石式斗肆升，錢糧叁兩玖錢九分壹厘正。今因乏項別用，愿將此應得水田、樹木、山坪等項出賣，盡根除問房親人等暨不承受，外托中引就與鐵砧山腳庄許琛觀出首承買歸管，當日全中三面議定時值杜賣盡根歸管價銀陸佰壹拾伍大員連積地在內，銀即日全中親收足訖，隨將此水田、山坪、樹木照界踏明，交付買主許琛觀前去掌管，永遠爲業。自此一賣永休，寸土無留，日後麟等各房子孫永不敢言及贖湊，亦不敢妄言生端滋事。保此水田、山坪係麟等與堂兄合夥明買之業，與房親人等無涉，亦無重張典掛他人財物及上手交加來歷不明爲礙。如有不明等情，麟等出首抵當，不干買主之事。此係仁義交關，二比甘愿，各無反悔。恐口無憑，全立杜賣盡根歸管水田契字壹紙，並帶合約字壹紙，共式紙，付執爲炤。

即日全中親收過杜賣盡根歸管契字內田價銀陸佰壹拾伍大員正足訖。再炤。

代筆人吳瀾 (花押)

爲中人周再興 (花押)

張清品 (花押)

在場見堂兄賴德仁 (花押)

光緒拾玖年拾月 日立杜賣盡根管田契字人賴麟 (花押) 全侄賴喜 (花押)

越 (花押)